

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

MIŠLJENJE

po zahtjevu Državne regulatorne komisije za električnu energiju (DERK)

**Sarajevo,
april, 2020. godine**



Broj: 01-26-7-026-6/19
Sarajevo, 23.04.2020. godine

Na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu Državne regulatorne komisije za električnu energiju (DERK), ul. Đorđa Mihajlovića 4/II, 75 000 Tuzla, Federacija Bosne i Hercegovne, Bosna i Hercegovina zaprimljenog od strane Konkurencijskog vijeća BiH dana 13.03.2020. godine pod brojem: 01-26-7-026-4/19, Konkurencijsko vijeće BiH, na 68. (šesdesetosmoj) sjednici održanoj dana 23.04.2020. godine, je donijelo

MIŠLJENJE

Državna regulatorna komisija za električnu energiju, ul. Đorđa Mihajlovića 4/II, 75 000 Tuzla, Federacija Bosne i Hercegovne, Bosna i Hercegovina (u daljem tekstu: DERK ili Podnosilac zahtjeva) podnijela je Konkurencijskom vijeću BiH Zahtjev za davanje mišljenja broj: 04-02-2-118-2/20 dana 11. marta 2020. godine, a koji je zaprimljen pod brojem: 01-26-7-026-4/19 dana 13.03.2020. godine (u daljem tekstu: Zahtjev).

Zahtjev se odnosio na davanje Mišljenja na Nacrt Pravilnika o cjelovitosti i transparentnosti veleprodajnog tržišta električne energije (u daljem tekstu: Nacrt Pravilnika ili Nacrt Pravilnika o cjelovitosti i transparentnosti veleprodajnog tržišta električne energije).

Konkurencijsko vijeće BiH je naknadno dana 16.04.2020. godine pod brojem: 01-26-7-026-5/19 zaprimilo dodatni podnesak DERK-a (podnesak broj: 04-02-2-118-5/20 od 16.04.2020. godine) kojim je istaknuto da je, shodno Odluci Ministarskog vijeća Energetske zajednice broj: D/2018/10/MC-EnC od 29. novembra 2018. godine, krajnji rok za početak primjene prilagođene Uredbe (EU) broj 1227/2011 Evropskog parlamenta i Vijeća od 25. oktobra 2011. godine o cjelovitosti i transparentnosti veleprodajnog tržišta energije, 29. maj 2020. godine. DERK do tada ima obavezu održati opću javnu raspravu o utvrđenom Nacrtu pravilnika, okončati transpoziciju odredaba prilagođene Uredbe usvajanjem ovog provedbenog akta te isti objaviti u službenim glasilima kako bi po njegovom stupanju na snagu uspostavio registar učesnika na veleprodajnom tržištu električne energije i započeo implementaciju drugih obaveza normiranih ovim aktom.

DERK dalje u svom podnesku ističe da, bez obzira što trenutna epidemiološka situacija onemogućava održavanje opće javne rasprave i čini neizvjesnim finaliziranje ovih aktivnosti do utvrđenog roka, oni imaju namjeru prikupiti i evaluirati komentare relevantnih institucija i prije njenog održavanja, kako bi ubrzali postupak obrade drugih komentara koji im eventualno pristignu tokom opće javne rasprave.

U prilogu podneska broj: 04-02-2-118-5/20 od 16.04.2020. godine ponovo je dostavljen Nacrt Pravilnika o cjelovitosti i transparentnosti veleprodajnog tržišta električne energije u kojem su,

kako se navodi, otklonjene naknadno uočene tehničke greške te je istaknuto da Mišljenje Konkurencijskog vijeća očekuju u najkraćem roku.

Nacrtom Pravilnika o cjelovitosti i transparentnosti veleprodajnog tržišta električne energije vrši se transpozicija Uredbe (EU) broj 1227/2011 od 25. oktobra 2011. godine o cjelovitosti i transparentnosti veleprodajnog tržišta električne energije, prilagođena pravnom okviru Energetske zajednice Odlukom Ministarskog vijeća Energetske zajednice broj D/2018/10/MC-Enc od 29. novembra 2018. godine u oblasti električne energije.

Ovaj Pravilnik upostavlja pravila za zabranu malverzacija koje utiču na pravilno funkcionisanje veleprodajnog tržišta električne energije i uređuje nadzor veleprodajnog tržišta električne energije koji vrši DERK, a sve navedeno propisano je članom 1. predmetnog Nacrta Pravilnika.

Član 2. Nacrta Pravilnika daje pregled definicija i skraćenica za potrebe ovog Pravilnika.

Zabrana zloupotrebe povlašćenih informacija propisana članom 3. Nacrta Pravilnika, a obim zabrana članom 4. Nacrta Pravilnika.

Članom 5. Nacrta Pravilnika definisano je izuzeće za OPS, odnosno operatora prijenosnog sistema, Nezavisnog operatora sistema u Bosni i Hercegovini i Elektroprijenos Bosne i Hercegovine, u skladu sa njihovim nadležnostima dok su ostala izuzeća propisana članom 6. Nacrta Pravilnika.

Širenje informacija u medijske ili umjetničke svrhe propisano je članom 7. Nacrta Pravilnika, a obaveza objavljivanja povlašćenih informacija članom 8. Nacrta Pravilnika.

Zabranjuje se manipulacija na veleprodajnom tržištu električne energije ili njen pokušaj, shodno odredbi člana 9. Nacrta Pravilnika dok se nadzor nad tržištem propisuje član 10. Nacrta Pravilnika, gdje se, između ostalog navodi, da pri izvršavanju nadzora veleprodajnog tržišta električne energije DERK ostvaruje saradnju sa ECRB-om, odnosno Regulatornim odborom energetske zajednice.

Registracija učesnika na tržištu propisana je članom 11. Nacrta Pravilnika pri čemu se ne dovode u pitanje obaveze DERK-a u zaštiti komercijalno osjetljivih podataka u skladu sa važećim propisima Bosne i Hercegovine (član 12. Nacrta Pravilnika).

Operativna pouzdanost i provedba zabrane zloupotrebe tržišta propisana je članom 13. i članom 14. Nacrta Pravilnika dok je istovremeno član 15. Nacrta Pravilnika propisao obaveze lica koja dogovaraju transakcije u okviru svoje struke.

Članom 16. Nacrta Pravilnika definisana je saradnja DERK-a u Bosni i Hercegovini i na nivou Energetske zajednice gdje se navodi da DERK izvršava svoje funkcije definisane ovim Pravilnikom uz uvažavanje preporuka ECRB-a i saraduje sa regulatornim tijelima Ugovornih strana (strane koje su pristupile Ugovoru o uspostavi Energetske zajednice („Službeni glasnik BiH – Međunarodni ugovori“ broj 09/06).

U članu 16. stav (2) Nacrta Pravilnika navodi se da „DERK saraduje sa Konkurencijskim vijećem Bosne i Hercegovine u cilju djelotvorne i efikasne istrage i provedbe ovog Pravilnika

kako bi se doprinijelo dosljednom i jedinstvenom pristupu istrazi, sudskom postupku i provedbi ovog Pravilnika i odgovarajućeg finansijskog prava i prava u području konkurencije.“

U članu 16. stav (5) Nacrta Pravilnika navodi se da „U slučaju sumnje da se na veleprodajnom tržištu električne energije izvršavaju ili su izvršena djela koja predstavljaju kršenja prava u oblasti konkurencije, DERK obavještava Konkurencijsko vijeće BiH, Sekretarijat i ECRB.“ Sekretarijat označava Sekretarijat Energetske zajednice.

Čuvanje profesionalne tajne propisano je članom 17. Nacrta Pravilnika, a članom 18. stupanje na snagu ovog Pravilnika.

Konkurencijsko vijeće BiH je u skladu sa članom 25. stav (2) Zakona o konkurenciji nadležno da na nacрте, prijedloge zakona i drugih propisa iz oblasti koje imaju uticaja na tržišnu konkurenciju daje mišljenja o njihovoj usklađenosti sa Zakonom o konkurenciji.

Konkurencijsko vijeće BiH je razmotrilo Nacrt Pravilnika o cjelovitosti i transparentnosti veleprodajnog tržišta električne energije i ocijenilo da isti ne sadrži odredbe koje mogu sprječavati, ograničavati ili narušavati tržišnu konkurenciju na tržištu Bosne i Hercegovine.

Konkurencijsko vijeće BiH stoga smatra da je Nacrt Pravilnika o cjelovitosti i transparentnosti veleprodajnog tržišta električne energije usaglašen sa Zakonom o konkurenciji.

Ovo Mišljenje je dato isključivo na osnovu podataka navedenih u podnesku broj: broj: 04-02-2-118-5/20 od 16.04.2020. godine te prilogu navedenog podneska te ukoliko dati podaci odstupaju od stvarnog činjeničnog stanja ovo Mišljenje se ne može primijeniti niti se može primijeniti u nekom drugom postupku.

Predsjednica

mr. Arijana Regoda - Dražić